



E Minanan di Fosfaat

Descubrimiento y explotación

For di tempo cu Hulanda a tuma den su poder Corsow a trata na varios manera pa baha e gastonan cu e colonia tabata trece cune. Mirando cu esaki no tabata logra a trata na diferente biaha di deshaci di e isla.

Na tres occasion Hulanda a trata pa motibonan economico di bende e colonia y un biaha kier a duna e isla su independencia.

E colonia tabata wordo mira como "un fastidio" pa e presupuesto Hulandes y asina a bini e idea pa desaroya fuentenan natural di ingreso. Madre patria tabata interesa den un presupuesto cera, pero e gezaghebbernan tabata kier uno habri pa e pueblo ya cu hopi biaha e situacion di bida no tabata bon door cu e siembra sa faya pa motibo di segura y animalnan.

Chumaceiro tabata tin miedo cu Hulanda lo a laga Corsow bay y cu e isla lo no por a cumpli den su necesidadnan mas. Chumaceiro a propone pa busca e posibilidad si e "phosphorzure kalklagen" riba e parti oost di e isla por a wordo saca. Fosforzure kalk of fosfaat ta wordo usa den e procesamiento di kunstmest. E tabatin "share" den

un compania di fosfaat di John Godden. E promer sacamento di fosfaat a tuma lugar riba Klein Curacao na anja 1871.

Ta te na anja 1873 of 1874 cu fosfaat a wordo descubri riba Seroe Colorado y Seroe Culebra na Aruba. J.H. Waters Gravenhorst a delibera como donjo di e terenonan cu Aruba Island Gold Mining

Company pa hunto explota fosfaat. AIGMC tabata di opinion cu e so tabatin e derecho ey debi na e concessie cu e la hanja na 1872 ya cu esaki tabata bisa cu AIGMC so por a saca oro y otro mineralnan. AIGMC a deal cu John Godden dunando esaki e derechonnan di e terenonan y a bira

Kico ta Fosfaat?

Fosfaat ta un producto cu ta bin den varios forma. Fosfaat ta un ingrediente importante pa varios meta: por ehempel Detergentenan, Suplemento di Dieta (bon pa wesonan) y tambe como fertilizer pa mata.

E estado di Florida ta un di e productornan di mas grandi di fosfaat na Merca.

donjo. Un compania a wordo forma cu 49% di kapital Arubano-Curasoleño y 51% Britanico (John Godden). Pero e compania no por a cuminsa cu su trabaonan ya cu permiso no a wordo duna ya cu e Gouverneur-Generaal di Corsow a duna di conoce cu fosfaat no tabata cay bao di e concessie. AIGMC tabata di opinion cu fosfaat tabata un mineral. Pa medio di un besluit riba 2 di juli 1874

a prohibi pa explota fosfaat riba terenonan particular y e transporte y cortamento di piedra. Apesar di tur e pasonan legal cu a wordo tuma tanto na Hof van Justitie y Hoge Raad pa considera fosfaat como un mineral, esaki a keda rechasa.

Na 1879 a tene un inscripcion habri. Esun cu a ofrece mas tabata John Creft cu f10,- pa meter cubico. Loke tabatin como condicion ta e borg loke Creft no kier a cumpli cune. E.F.G. Dawson, agente pa C.B.

Sewell cu na su turno tabata agente pa AIGMC cu a ofrece f8,- anteriormente pa ton a cambia esaki pa meter cubico. Apesar cu AIGMC no a duna oferta toch e la resulta esun cu lo a haya e consecion na 1879. Na anja 1879 algun inversionista Curasolenjo a lanta e Aruba Phosphaat


Maatschappij (APM). E inversionista mas grandi den e compania aki tabata Sewell cu ta pues AIGMC. APM a tuma e consecion di Sewell over. Trahadornan pa e explotacion di fosfaat mester a wordo imports for di Corsow y Boneiro pasobra no tabatin suficiente trahador na Aruba door cu oro tambe tabata wordo explota. E fosfaat Arubiano a saca henter e presupuesto colonial for di corra. E prijs a baha sinembargo debi na e descubrimiento di fosfaat na Florida, Algeria y Tunisia. Ademas di esey fosfaat den profundidad ta di menos calidad

cu esun riba superficie. E venta di fosfaat a genera 9 milyon florin. Na uitvoerrecht- en 4 milyon pa caha di pueblo. Door di guerra e trabaonan a

stop. E historia di fosfaat na Aruba y pues

na Seroe Colorado ta bay hopi leu den e rais di e historia di nos pais. Pues a areanan di Seroe Colorado ta di significacion grandi pa e historia y

Despues di un awacero duro, varios parti di e mina ta yena cu awa, creando un imagen buntia



Den e temporada di e Fosfaat Maatschappij Aruba no tabata tin suficiente placa den circulacion. Pesey e Compania tabata tin su mesun placa cu tabata basa den Soles of Dollar Peruano.



Un bista con e tabata wordo transporta di Sero Colorado pa e pier di e Haf di San Nicolas. E foto aki ta data di 1880.

economia di nos pais cu mester wordo conserva y protehi.

Ainda e wagonnan di mas di 100 anja bieuw ta para mescos cu nunca tempo a pasa aki den.



ARE YOU A VIDEO GAME NUT?

The Latest Games, Accesories, Magazines and More

Ask about our Membership Program

Come and visit our New Location at Caya Betico Croes (Behind Mango)

